

Jee náka'án yo sava jnu'un jeé ka'án
Antiguo Testamento
Libro 7

**Jee ni stútú rey Asiria ñayuu ñuu
Israel kua'án de jiín ñuu maá de,
te suni súkuan ni sá'a rey
Babilonia jiín ñáyuu ñuu Judá**



En el mixteco de San Esteban Atatlahuca

**Jeeñáka'ñan yoñ sava jnuñun jeñ ka'án
Antiguo Testamento
Libro 7**

**Jeeñ ni stútú rey Asiria ñayuu ñuu
Israel kua'ñan de jiín ñuu maá de,
te suni súkuan ni sá'a rey
Babilonia jiín ñayuu ñuu Judá**

**Serie de
Resúmenes del Antiguo Testamento**

**Número 7: 2 Reyes 14:26-29, 15:8-31,
17:1-25:30, 2 Crónicas 29-36, Isaías 36-39,
Jeremías 1-6, 22-44, Lamentaciones,
Ezequiel, Daniel 1-4, Abdías, Nahúm,
Habacuc, Sofonías**

en el mixteco de San Esteban Atatlahuca

LAS SAGRADAS ESCRITURAS PARA TODOS



**LA LIGA BÍBLICA, A.C.
México, D.F.**

Todas las ilustraciones son propiedad de
©David C. Cook Publishing Co., 1978,
usadas con el permiso correspondiente.

©La Liga Bíblica, A. C. 1999

Primera edición
Resúmenes del Antiguo Testamento
Número 7: 2 Reyes 14:26-29, 15:8-31, 17:1-25:30,
2 Crónicas 29-36, Isaías 36-39, Jeremías 1-6, 22-44,
Lamentaciones, Ezequiel, Daniel 1-4, Abdías,
Nahúm, Habacuc, Sofonías
Mixteco de San Esteban Atatlahuca
99-049 México, D.F. 1C

Sumario

Letra jeę tu iin jéjníñu castellano jiín mixteco	5
Prólogo	7
126. Jeę ní kastáan ñayuu Asiria ñuu Israel	9
(jeę ka'án libro 2 Reyes 14:26-29; 15:8-31; 17)	
127. Jeę vá'a ni ndaku rey Ezequías jniñu ñuu Judá	12
(jeę ka'án libro 2 Reyes 18–20; 2 Crónicas 29–32; Isaías 36–39)	
128. Jeę ní ndaku Manasés jiín Amón jiín Josías jniñu ñuu Judá	17
(jeę ka'án libro 2 Reyes 21:1–23:30; 2 Crónicas 33–35; Jeremías 1–6)	
129. Jeę ni stéén profeta Nahúm nuu ñáyuu Nínive	24
(jeę ka'án libro Nahúm 1–3)	
130. Jeę ni stéén profeta Sofonías nuu ñáyuu Judá..	25
(jeę ka'án libro Sofonías 1–3)	
131. Jeę ni stéén profeta Habacuc nuu ñáyuu Judá .	26
(jeę ka'án libro Habacuc 1–3)	
132. Jeę ní ndaku rey Joacaz jiín rey Joacim jniñu ñuu Judá	27
(jeę ka'án libro 2 Reyes 23:31–24:7; 2 Crónicas 36:1–8; Jeremías 22:11–12; 25–26; 31; 36)	
133. Jeę kua'án sava ñayuu Judá nde ñuu Babilonia ni sá'a ñayuu caldeo	30
(jeę ka'án libro Daniel 1–3)	
134. Jeę ní ndaku rey Joaquín jniñu ñuu Judá	34
(jeę ka'án libro 2 Reyes 24:8–17; 2 Crónicas 36:9–10; Jeremías 22:24–30; 29:1–14)	

- 135. Jeę ni stéén profeta Ezequiel nuu ñáyuu Judá
jee káyukú i ñuu Babilonia 35**
(jeę ka'án libro Ezequiel 1-24)
- 136. Jeę ní jenu Nabucodonosor, rey ñuu Caldea,
ñuu Jerusalén 37**
(jeę ka'án libro 2 Reyes 24:18-25:21; 2 Crónicas 36:11-20;
Jeremías 21; 24; 27:12-28:17; 32-35; 37-39;
Ezequiel 17:11-18)
- 137. In jnu'un kuí'yá ni síkì ñúu Jerusalén 40**
(jeę ka'án libro Lamentaciones 1-5)
- 138. Jeę ní kaka'an profeta Abdías jiín Ezequiel
ndese koo jiín ñáyuu Edom 41**
(jeę ka'án libro Ezequiel 25; Abdías 1)
- 139. Jeę kuángoo ñayuu jeę ní kendoo ñuu Judá
nde Egipto 43**
(jeę ka'án libro 2 Reyes 25:22-26; Jeremías 40-44;
Ezequiel 29-32)
- 140. Jeę ni ká'an tuku profeta Ezequiel jiín ñáyuu
Judá jeę káyukú ñuu Babilonia 44**
(jeę ka'án libro Ezequiel 33-34; 36-48)
- 141. Jeę ní nduloco Nabucodonosor, rey Caldea 48**
(jeę ka'án libro 2 Reyes 25:27-30; Daniel 4)
- Íyó jnú'un jeę ka'án nuu Antiguo Testamento te
náka'an tuku nuu Nuevo Testamento 51**

Letra jee tu iin jejnihu castellano jiin mixteco

Jéjnihu ndi'ú'un vocal mixteco nájny'un castellano. Te iyó inga vocal mixteco jeq kúu letra i, nájny'un:

ndivì	huevo	kiti	animal
yiti	ocote	ñíñí	granizo

Taká jnú'un jeq ndi'i jiin letra n chi ká'án yo jiin xijni yo te vocal jeq iyó núu taka jnú'un kúu nasalizada. Te kuu skijná'an yó jiin jnú'un jeq tu ndi'i jiin n, nájny'un:

kuáan	amarillo	kuáá	ciego
u'yn	cinco	u'u	doler
ndikin	semilla	ndiki	cuerno
kixín	pegajoso	kixí	duerme

Letra x chi je yajni tu kák'a'an castellano nájny'un mixteco. Te sava jny'un mixteco jeq jejnihu letra x kúu taká jee yá'a, nájny'un:

xini	cabeza	xe'yu	anillo
xu'ún	dinero	uxa	siete

Letra ' mixteco te iyó sonido jeq ka'án yo nde sukun yo. Te kuu skijná'an yó jiin jnú'un jeq tu jejnihu letra ', nájny'un:

ndo'o	tenate	ndoog	caña
sa'ma	tela	sama	cambiar
yu'u	boca	yuu	petate
nde'yu	lodo	ndeyu	comida

Te núu na kóndeka jná'an letra j jiin letra n te j'e siin sonido, nájny'un:

jniñu	trabajo	jníñí	ratón
jny'un	palabra	vijna	hoy

Jee ndéka jná'an consonante n jiin d chi iin ká'án-ni castellano jiin mixteco. Te castellano tu kékéé jiin úu consonante un, te mixteco chi iyó, nájny'un:

ndivì	huevo	ndute	agua
ndika	plátano	ndeyu	comida

Te letra **s** jiín ingle consonante jeé ndéka jná'an te letra un chi jéjníñu nde sava jny'un castellano, te mixteco chi kéjéé xí'na ga letra **s** jiín ingle consonante, chi nájny'un:

staq	tortilla	skuá'a	estudiar
skáji	dar de comer	stíki	vaca, toro

Íyó tijni jny'un jeé iin téé-ni yó te tono-ni sáma. Chi íyó tono **ALTO, BAJO, MEDIO.**

Te tono **ALTO** chi téé yó su'va: **á, é, í, ó, ú**, te ká'án kuíñi yó, nájny'un:

lélú	sombrero	yá'a	está pasando
ndíko	está moliendo	linchí	lagartija

Te tono **BAJO** kúu jeé téé yó su'va: **a, e, i, ï, o, u**, chi ká'án ká'nu yó, chi nájny'un:

kuñu	carne	yä'a	va a pasar
ndíko	va a enfriarse	oko	veinte

Te tono **MEDIO** chi tu téé yó chi kuechi ká'án-ni yó. Te ni tu ká'án ká'nu yó te ni tu ká'án kuíñi yó chi kú'va-ni ká'án yo, nájny'un:

londe	cordero	ya'a	chile
ndíko	va a moler	vílu	gato

Prólogo

Ini Antiguo Testamento iyó kué'ë libro jee steén ndese ni ijo Ya Dios jiín ñáyuu hebreo. Suni stéén ndese ni chindéé ñá'án yá ñayuu jee ni skíku i nuu ya te suni stéén ndese ni tají yá castigo nuu ñáyuu jee tu ní skíku i jniñu jee ní ndaku ya.

Te libro jee naní Biblia káni siki uú libro jee naní Antiguo jiín Nuevo Testamento.

Táká libro yá'a nákani sava-ni jnu'un ndese ni ijo jee ní kuva'a ñayiví yá'a jiín suni ndese ni ndajny'ún yajni ya jiín táká profeta ya. Te nuu jnáq ni kuni ni ndi'i siki Antiguo Testamento te jee sá'a ní kúu jee ki'in ní Biblia ni te ka'u ní.

Ya'á kúu libro 7 “Jee náka'an yo sava jnu'un jee ka'án Antiguo Testamento”. Iyó 11 libro jee ndí'i. Te libro 1 nde libro 9 ndeé sava jnu'un jee ka'án Antiguo Testamento. Te libro 10 ka'án siki historia jee ní kuu me'ñú Antiguo jiín Nuevo Testamento. Te suni nuu libro yá'a nani'in yo iin diccionario lulí jee káchi jeku siki jnu'un yí gá jee véji nuu táká libro yá'a jíjná'an. Te suni nuu libro yá'a yí'i mapa jee steén ndé mí ní kuu táká jee yosó nuu libro yá'a jíjná'an. Te nuu libro sándí'i na nani'in yo táká índice jee kúu nandukú yó ndé mí ní'in yo jnu'un jee kuní yo ka'u yó.

**Jee ni stútú rey Asiria ñayuu ñuu Israel
kua'an de jíín ñuu maá de, te suni
súkuan ni sá'a rey Babilonia jíín
ñayuu ñuu Judá**

126. Jeé ní kastáan ñayuu Asiria ñuu Israel
(*jeé ka'án libro 2 Reyes 14:26-29; 15:8-31; 17*)

Táká sándi'í na rey jee ní konevá'a ñuu Israel

Ni kujé'nu Jeroboam Segundo, rey ñuu Israel, chi Yaq Dios ni chindéé ñá'án yá de kanda de tijni jínu nuu guerra siki kue'e enemigo de. Te va'a ni iyo ñuu Israel. Te ni ndaku de jniñu uu xiko in kuiya ñuu Israel. Te ná ni ji'lí de te se'e yií de Zacarías ni nukuiñi de kuu de rey. Te súkuan ni skíku jny'un jeé ni ká'an ya jíín Jehú jeé koo kuun tee yukun de kuu rey ñuu Israel, chi Zacarías kúu de rey kuun.

Te tu va'a ní sá'a de, chi in-ni ni sá'a de jíín táká gá rey ñuu Israel. Te ná ni kuu iñu yoo jee ndáku de jniñu, te in tee nání Salum ni je'ni de Zacarías, te ni nukuiñi de kuu de rey.

Te ni ndaku Salum jniñu in-ni yoq, chi Manahem ni je'ni de Salum, te ni nukuiñi de kuu de rey.

Ni ndaku Manahem jniñu ñuu Israel uxí kuiya. Te tu ní ndáku va'a de jniñu. Te ni kakajná'an rey ñuu Asiria jíín ñuu Israel, te ni jejny'un Manahem chunaa de xu'ún impuesto nuu rey Asiria. Te ná ni ji'lí Manahem te ni nukuiñi se'e yií de Pekaía kuu de rey.

Te tu ní ndáku va'a Pekaía jniñu. Te ná ni ndaku de jniñu uu kuiya ñuu Israel te in soldado jee naní Peka ni kejéé de kúni'ní ni de nuu rey Pekaía, te ni je'ni de

Pekaía. Te ni nukuiñj de kuu de rey. Te ndí'i rey ñuu Israel nde Zacarías nde Peka ni kandaku de jniñu ñuu Israel te níní Uzías ndáku de jniñu ñuu Judá.

Te Peka suni tu ní ndáku va'a de jniñu. Te ná ndáku de jniñu te rey Tiglat-pileser ñuu Asiria ni kajná'an de jíín ñáyuu Israel, te ni ni'jn de kue'ë ñuu. Te ni ki'in de ñayuu Israel ni jendeka de koyukú ñuu Asiria. Te ná ni kuu oko kuiyä jeé ndáku Peka jniñu te in tée nání Oseas ni kuni'ni ni de nuu Peka, te ni je'ni de, te ni nukuiñj de kuu de rey. Te ná ni kejéé de ndáku de jniñu ñuu Israel te Acaz ndáku de jniñu ñuu Judá.

Jee ni stáan ñayuu ñuu Asiria ñuu Israel

Te ni ndaku Oseas jniñu in kuiyä ñuu Israel. Te suni tu ní ndáku va'a de jniñu. Te néé gá ni sá'a táká gá rey vesú maá de. Te ná ndáku de jniñu te rey Salmanasar ñuu Asiria ni kajná'an de jíín ñuu Israel. Te ni jini u'ún chunaa Oseas xu'ún impuesto nuu rey Asiria. Te tu ní kúní ga de chunaa de nuu rey un, te ni tají de in jnu'un kuaan nuu rey Egipto jeé jikán de jee na chíndéé ñá'án rey Egipto de. Yukuán na te tuvá ni chúnaa de nuu rey Asiria.

Te ná ni jini Salmanasar te ni chune de Oseas vekäa. Te ni skondúu de soldado de ñuu Samaria, centro ñuu Israel. Te ná ni ya'a unj kuiyä te ni kundeyí de ni ni'jn de ñuu un nduu ñuu de. Te ni ki'in de ndí'i ñayuu kuaan de jíín ñuu Asiria. Te ni chukú de ñayuu Israel táká ñuu Asiria. Te súkuan ni kuu jeé ní naa ñuu Israel. Te Oseas ni kuu de rey sandí'i na nuu ñúu Israel.

Te ni je'e Yaä Dios jnu'un jeé kúu súkuan jíín ñáyuu Israel síkí jeé tu ni kájetá'u i nuu ley ya. Chi ni



Kua'an soldado ñuu Asiria nde ñuu Samaria

kachiñú'ún i ídolo, te ni kasá'a i altar nuu ní kaje'ni i kiti jee sokó i nuu ídolo. Te ni kasá'a i ndi'i kuéchi jee ní kasá'a ñayuu cananeo. Te siki kuéchi ñayuu cananeo kúu jee ní tava ya i, náva'a kua'a ya ñu'un yá'a núa ñayuu Israel.

Te vesú ni tají yá profeta jee na ká'án jiín ñayuu ñuu Israel jee na stoo i kuéchi i te kuatá'ú i nuu Ya Dios, te tu ní kájetá'ú i. Chi ni kasá'a i uu becerro oro jee ní kachiñú'ún i. Te ni kaje'ni i se'e i jee kayú jee sokó i nuu ídolo. Te suni ni kakajnu'ún i nuu ñayuu tasí. Te ndi'i taká jée yá'a kúu kuéchi nuu Ya Dios. Jee yúkuan ní kiti ni ya jiín i, te ni je'e ya castigo nuu i. Te ni ndoo máá ñuu Judá na. Te suni máá i tu kájetá'ú i nuu Ya Dios.

Jee ní kakoyukú īnga ñayuu nuu ñúu Israel

Yukuán na te ni kindeka rey Asiria ñayuu Babilonia jiín jekua ḡa ñuu ni kakoyukú i nuu ní kuu ñuu ñayuu Israel. Te ñayuu un káchiñú'un i ídolo jee kándiso i vekoo i jíin ndé ñuu i. Te suni ni kanujna'an ni i chiñú'un i Yaq Dios. Te rey Asiria ni tají de sutu náv̄a'a stéén ndese sokó i kití nuu Jehová Yaq Dios.

Te káchiñú'un i Jehová, te suni káchiñú'un i ídolo. Te nasuú súkuan kúu jee kuatá'ú yó nuu Yaq Dios.

127. Jee vá'a ni ndaku rey Ezequías jniñu ñuu Judá

(jee ka'án libro 2 Reyes 18–20; 2 Crónicas 29–32; Isaías 36–39)

**Jee ní nasama Ezequías modo vá'a ga ndese
chiñú'un ñayuu ñuu Judá Yaq Dios**

Ezequías, se'e yií rey Acaz, ni ndaku va'a de jniñu ñuu Judá, chi ni jetá'ú de nuu ley Yaq Dios. Te ni jenu de t̄jñi altar jee ní kasá'a ñayuu Judá jee sokó i kití nuu ídolo. Te kuiyá ná ni kejéé de ndáku de jniñu te ni nasama de modo jee chiñú'un vá'a de nuu ya. Chi rey jee ní ka'iin ichi yátá de ni kastív̄i ndasí de ni kasá'a de.

Te ni nasáva'a Ezequías ye'yí véñu'un. Suni ni nastútú de ndi'i sutu jiín téé levita. Te ni ka'ān de jíin jée na sá'a de nájnu'un kúní Yaq Dios, chi ni stó'o ya ñayuu Judá sík̄i jee tu ní kásá'a de nájnu'un ndáku ya jniñu.

Yukuán na te ni kasá'a t̄ee levita nájnu'un yósó núu ley náv̄a'a kendoo ndoo de nuu ya. Te ni tava de ndi'i ndajníñu jee násuú cuenta veñu'un ya kúu. Te ni kanachukú vá'a de t̄aká ndajníñu nájnu'un kúní ya jee kóyukú. Ni kasá'a de ndi'i jniñu yá'a sík̄i jee ní saka núu rey Acaz ndi'i.

Te ná ni jínu ndí'i te ni ndaku rey Ezequías jniñu nuuŋ sutú jeɛ na ká'ni de kítí jeɛ sokó níí de tí nuuŋ ya jiín jeɛ sokó de tí nuuŋ ya jeɛ síkí kuéchi de jíjná'an de. Yukuán na te ni je'e de jniñu nuuŋ téé levita nájnuŋ'un ni sá'a David. Yukuán na te ni kuu ni kajejníñu de veñuŋ'un ya nájnuŋ'un ni ndaku ya jniñu.

Jeɛ ni sá'a Ezequías viko pascua

Yukuán na te ni kana Ezequías ndí'i ñayuu Judá jiín ñayuu Israel náva'na kíkoo i sá'a i viko pascua. Te ni kuu in viko ká'nu, chi ndí'i ñayuu Judá ni kikoo i. Te jeku su'va-ni ñayuu Israel ni kikoo i, chi kue'e ñayuu Israel sa ni kajeku i ni kajito i ñayuu Judá jeɛ kasá'a i viko nuuŋ ya.

Te ñayuu jeɛ ní kandutútú nuuŋ víko ni kajenu i ndí'i altar jeɛ iyó ñuu Jerusalén nuuŋ kásokó i kítí, te máá in-ni altar jeɛ iyó nuuŋ ké'e veñuŋ'un ya tu ní kájenu i. Te suni ini yute ni kaskáne i altar nuuŋ kayú suje kutú, chi ni ka'an ya jeɛ maá in-ni máá yá kuu chiñú'ún i, te jíni ñú'ún chiñú'ún i ya ini veñuŋ'un ya.

Te sava ñayuu chi tu íyó ndoo i nuuŋ ya. Te ni jikan ta'ú rey Ezequías su'va nuuŋ ya:

—Kone ká'nu ni ni nuuŋ ñayuu jeɛ tu ká'yo ndoo i nuuŋ ni, te kákuni i chiñú'ún i ní'ín —áchí de.

Te ni ine ká'nu ni ya. Te ná ni jínu viko te ni jengoo de jekua ga ñuu Judá, te ni kajenu de ndí'i altar jeɛ iyó yúkuan. Te suni súkuan ni sá'a de jíín tijni ñuu jeɛ kíu cuenta ñuu Israel. Yukuán na te kuanungoo de ve'e de.

Te ni ndaku rey Ezequías jniñu nuuŋ táká sútu jeɛ na sókó de kítí nuuŋ ya veñuŋ'un ya nájnuŋ'un ni ndaku ya jniñu jeɛ jíni ñú'ún koo. Te ni ndaku de jniñu nuuŋ téé

levita jiín sútu ndese sá'a de táká jniñu. Te ni kusíh ni ya jiín rey jee ni sá'a de súkuan, te ni sá'a ya jee va'a koo jiín de.

Jee ní kakajná'an ñayuu ñuu Asiria jiín ñuu Judá

Te níní jée ndáku rey Ezequías jniñu ñuu Judá te rey Salmanasar ñuu Asiria ni stáqan de ñuu Samaria, jee kúu centro ñuu Israel, te kua'an de jiín ndí'h ñayuu Israel.

Te ná ni ya'a uxí kuiya te ni ji'i rey Salmanasar. Te ni nukuiñi Senaquerib kuu de rey Asiria. Te ni



Ni tají Senaquerib tee jee ní kana ndee xinj ñáyuu Jerusalén

kakajná'an de jiín ñáyuu Judá. Te ni kundeyí de ni ni'ín de tijni ñuu un, te ni ndoo ín na ñuu Jerusalén. Te ni jeñu'un rey Ezequías chunaa de xu'ún impuesto nuu rey Asiria. Te ni je'e de ndí'i xu'ún jee néva'a máá de jiín ndí'i jee iyó ini veñu'un ya, te suni ni kende de oro jee ndéjnii yé'yí veñu'un ya náva'a kuu chunaa de.

Te rey Senaquerib chi kúní ga de xu'ún. Yu kuán na te ni tají de tee jee jeñíñu nuu de kua'an de ñuu Jerusalén jee na ká'án de jnu'un jee ní tají rey de un núu rey Ezequías:

—Tu kuiti ndese sá'a ró jee kanda ró jiín rí vesú núu na ndukú ró kunj'i ni ro. Te núu na kákán ro jee na chíndéé ñá'án rey Egipto ro'ó, te ni ma kánda de jee chindéé ñá'án de ró'ó. Ni ma kúu chindéé ñá'án Yáa Dios ro'ó, chi ni jenu ro ndí'i altar.

Yu kuán na te tee un ní kana ndee de xinj ñáyuu Jerusalén:

—Ma kandíje ró rey Ezequías. Chi ká'án de jee chindéé ñá'án Yáa Dios ro'ó. Te ma kúu jnama ya ro'ó núu ri. Chi ru'u jijná'an ri, je ni kani'ín ri tijni ñuu. Te yaq jee chiñú'ún taka ñáyuu un ni tu ní kúu jnama i. Jee jini ñú'ún sá'a ró kúu jee kívi ró nda'a rey ri. Yu kuán na te koyukú vá'a ró ndé kiji rey te ki'ín jiín ró nde inga ñuu koyukú ró —achí de.

Jee ní jnama Yaq Dios ñayuu ñuu Jerusalén nuu ñáyuu ñuu Asiria

Te ni ín ñayuu Judá tu ní káka'an i ni ín jnu'un, chi ni ka'an rey Ezequías jiín i jee tu ka'an i. Yu kuán na te ni je'en rey Ezequías veñu'un ya. Te ni tají de jnu'un kua'an nuu profeta Isaías. Te ni ka'an Isaías jee ma

yú'ú Ezequías síkì jeé ní jini de jeé ka'án rey Asiria, chi Ya₄ Dios sá'a ya jeé kúni so'o de jeé iyó jnúndó'o ñuu maá de. Te nandikó de nu'un de ve'e de, te yukuán kuu de. Te ni ya'a jeku tiempo te kuangoo tée jeé ní tají Senaquerib ñuu Jerusalén.

Te ná ni ya'a jeku tiempo te ni tají tuku Senaquerib ñayuu jeé sájniñu nuu de kuangoo tuku de ñuu Jerusalén, te kánda'á de in tutu. Te nuu tútu un yósó nájny'un ni ka'an tée jeé ní tají rey Senaquerib jeé xína ñú'ún. Te ná ni jínu ni ka'u Ezequías tutu te ni je'en de veñy'un ya jeé kakán ta'ú de nuu Ya₄ Dios jeé na jnáma ya ñayuu Judá nuu rey Asiria náv'a kuni ñayuu ni'í ká'nu ñayiví jéé maá yá kúu Ya₄ Dios.

Te ni tají Isaías jny'un nuu Ezequías jeé ní jini so'o ya jeé ni jíkan ta'ú de. Te ni ka'an de jeé ni ma kuajná'an soldado Asiria jiín ñayuu Jerusalén.

Te jekuáa yúkuán ní tají yá ndajé'é ya ni je'ni kue'e ndasí soldado Asiria. Yukuán na te ni nandikó Senaquerib ñuu Nínive, jeé kúu centro ñuu Asiria. Te ná iyó de yukuán te uu se'e yií de ni kaje'ni i de. Te inga se'e yií de jee naní Esarhadón ni nukuiñi de kuu de rey Asiria. Te súkuán ni skíku jny'un jeé ni ká'an Ya₄ Dios nuu Isaías te ni kachi de nuu Ezequías.

Jee ní koku'u Ezequías

Te ni ya'a jeku tiempo, te ni koku'u xeen Ezequías. Te ni tají yá profeta Isaías ni kachi nuu Ezequías jeé jé yajni kuu de. Te ni jikan ta'ú Ezequías nuu ya, te ni ka'an de jeé na kóku'un ni ya jeé ní indichi ni'in de jiín yá ndi'i tiempo jeé téku de. Te ni ndaku ya jniñu nuu Isaías jeé na nándikó de ka'an de jiín Ezequías jeé ní

jini so'o ya jee ni jíkan ta'ú de, te ku'a ya jnu'un koteku de xa'un ga kuiya. Ni kusíñ ndasí ni Ezequías, te ni tava de in yaa jee nákuatá'ú de nuu ya.

Jee ni sá'a Ezequías jiín ñáyuu ñuu Caldea

Te ni jini Merodac-baladán, rey ñuu Caldea, jee ku'ú rey Ezequías, te ni tají de tee jiín ndajníñu jee kuá'a de nuu Ezequías. Te nde ná tu nandikó tee un te ni steén Ezequías ndíñi ndajníñu ya'u jee néva'a de.

Yukuán na te ni ka'an Isaías:

—Koo in kiví jee kiín soldado caldeo jiín ndíñi ndajníñu ya'u ró ñuu Babilonia, centro ñuu Caldea, nde jiín sé'e ró jee kuajníñu i nuu rey Caldea —achi Isaías.

Te tu ní nákani ndasí ni Ezequías siki jee ni ká'an Isaías, chi ni jeni ni de jee vá'a koo núu níní jee téku de te káyukú vá'a de, te tu ní nákani ni de ndese koo jiín sé'e de.

Te ni ndaku de jniñu oko in kuiya, te ni ji'i de. Te ni nukuiñi se'e yi de Manasés kuu de rey.

128. Jee ní ndaku Manasés jiín Amón jiín Josías jniñu ñuu Judá

(jee ka'an libro 2 Reyes 21:1-23:30; 2 Crónicas 33-35;
Jeremías 1-6)

Jee tu ní ndáku va'a Manasés jniñu

Manasés, se'e yi Ezequías, sá úxi uu kuiya i ná ni kiví i kuu i rey ñuu Judá. Te nasúu rey vá'a ní kúu i chi ndeva'a ni sá'a i. Chi ni nasáva'a i ndíñi altar nuu káchiñú'ún ídolo jee ní jenu tatá i. Te ni chiñú'ún i ndíñi ídolo jee ní kachiñú'ún ñáyuu Canaán nde jena'án.

Te ni sá'a de altar ídolo veñu'un Jerusalén. Te ni je'mu de se'e yiñ de jee ni sóko de nuu ídolo. Suni ni kajnu'ún de ñayuu tasí jiín ñayuu jee ndákune'en ánuá ndiyì. Te ni sá'a de jee ndi'i ñayuu Judá sá'a i kuéchi nuu Yaq Dios. De ni kití ni Yaq Dios jiín de.

Te jee sikí jee xeén kuéchi ni sá'a Manasés te ni tají yá profeta jee na stéen nuu ñayuu Judá. Te jee yá'a kúu jnu'un jee ní kaka'an profeta:

—Ví'yá gá xeén kuéchi ni sá'a Manasés nuu Yaq Dios vesú jee ní kasá'a ñayuu amorroeo jee ní kakoyukú de ya'a ndé jena'án. Chi sá'a de jee chiñú'ún ñayuu Judá ídolo. Jee yúkuan ká'án ya: “Kua'a ri jnundó'o ní ká'nu ñuu, te suni Jerusalén, ñuu ij ri. Kua'a ri jnu'un jee enemigo ro kanda jiín ró te kanu ñuu Jerusalén. Chi ró'ó ñayuu Judá, níní kásá'a ró kuéchi jee kití ni ri nde ná ni kendakoo jíí ro ñuu Egipto jee jé iyó kué'e ciento kuiya. Te vijna chi xeén gá kuéchi sá'a Manasés vesú ñinga gá jná'an de. Jee yúkuan kuá'a ri jnundó'o xeén”, achí yá —achí profeta jijná'an de.

Jee ní ndo'o Manasés te ni nakani ni de sikí kuéchi de

Sikí jee tu ní kájetá'u de jnu'un jee ni ká'an profeta, jee yúkuan ní je'e ya jnu'un jee téé kándaku jniñu nuu soldado Asiria ni jnii de Manasés te kua'an de jiín ndé ñinga ñuu nuu ní ndo'o ndasí de. Te ná iyó de ñuu un te ni jikan ta'u de nuu Yaq Dios. Te ni ka'an de jee iyó kuí'yá ni de, te nákuni de ndi'i kuéchi jee ni sá'a de. Te ni jini so'o ya jee ni jikan ta'u de, te ni je'e ya jnu'un nandikó de ñuu Jerusalén te nduu tuku de rey. Te súkuan ni jini Manasés jee Jehová kúu Yaq Dios.

Te ná ni najinu de ñuu Jerusalén te ni jenu de ndi'i altar jee ní nasáv'a de nuu ídolo. Te ni tava de ídolo



Ni jniñ soldado Manasés kuangoo de jiín

jeé ñú'un ini veñu'un ya. Yukuán na te ni je'ni de kítí jeé ni sóko de nuu Yaq Dios. Te ni ka'an de jiín ñáyuu ñuu Judá jeé na chíñu'un i máá ñin-ni Yaq Dios. Te suni ni nasáv'a de muro jeé ndi'yú ñuu Jerusalén. Te ni tají de soldado de nuu táka gá ñuu jeé név'a muro náv'a kendoo de yukuán. Te ni ndaku Manasés jniñu uu xiko xa'un kuiya, te ni ji'i de. Te ni nukuiñi se'e yí de Amón kuu de rey.

Jee ní ndaku Amón jniñu

Te ni ndaku Amón jniñu ñuu Judá uu-ni kuiya. Te suni tu ní ndáku va'a de jniñu, chi ni chiñú'ún de ídolo jee ní chiñú'ún tátá de nde ná tu ki'in de iñga ñuu. Te xeen ga ni sá'a de vesú tatá de. Te ni kakunij'ni ni tee kájejníñu nuu de, te ni kaje'ni de Amón. Te suni ni je'ni ñayuu Judá tee un. Yukuán na te ni nukuiñi Josías, se'e yíí Amón, kuu de rey.

Jee ní ndaku Josías jniñu

Te una-ni kuiya Josías ná ni jekondee i ndáku i jniñu. Te ni ndukú ndéyi i kutu'va i ley Yaq Dios. Te va'a ni ndaku i jniñu. Ni jenu i ndi*'i* altar nuu káchiñú'ún ídolo jee iyó Jerusalén jiín níí ká'nu ñuu Judá jiín ndé ñuu Israel. Suni ni je'ni i taká sútu jee ní kasoko de kiti nuu ídolo. Te ni kuni i jee nduva'a veñu'un ya. Te ni ndaku i jniñu nuu Hilcías, sutu kujé'nu, jee na násáva'a de veñu'un ya. Te ni tají i tee jéjníñu nuu i kuandeka de xu'ún núu sutu jee nasáva'a de veñu'un ya.

Jee ní nani'ín Josías tutu ley Yaq Dios

Te níní jée kasájniñu tee jee nasáva'a de veñu'un te ni nani'ín Hilcías tutu nuu yosó ley Yaq Dios. Te ni tají de nuu rey. Te ná ni jini so'o rey jnu'un jee yosó núu tútu te ni kukuí'yá ndasí ni i, chi ni jini i jee kándo'o ñayuu Judá jiín ñayuu Israel síki jee tu ní kájetá'ú de ley Yaq Dios jee yosó núu tútu.

Te tiempo yúkuán ní iyo in profeta Yaq Dios naní ña Hulda. Te ni tají rey Josías tee kájejníñu nuu i jee kajnu'un de ña ndese koo síki ñayuu Judá jiín Israel. Te ni ka'an ña jnu'un jee ni ká'an Yaq Dios jiín ña:



Ni ka'u jee rey Josías ndi'i ley ya nuu ñayuu Judá

—Áchí Yáa Dios: “Sá'a ri jee ndo'o ñayuu ñuu yá'a
jnúndó'o, chi siki jee tu kájetá'ú i ley ri, chi sa
káchiñú'un i ídolo. Te Josías chi jétá'ú i ley ri, te jíni
so'o i jny'un ri, te nákuni i ndi'i kuechi jee kasá'a
ñayuu Judá. Te jee yúkuan má kuá'a ri jny'un jee koo
jnundó'o níní jee téku i”, áchí yá —achí Hulda.

Te tee jejninu nuu i ni nandikó de ni kakachi de nuu Josías jnu'un jee ni ka'an Yaq Dios jiín Hulda.

Yukuán na te ni nastútú rey ndii'i ñayuu veñuu'un ya. Te ni ka'u jee i ndii'i ley yaq. Te ni jejnuu'un i ya jee kuatá'ú i nuu ley yaq jiín ndii'i jíín ánuá i. Te suni ni kajejnuu'un ndii'i ñayuu jee skíku i ley yaq. Yukuán na te ni ndaku Josías jniñu jee na náq ndii'i ídolo. Te ndii'i tiempo jee ní koteku Josías, ni kasoko ñayuu kíti nuu maá-ni Yaq Dios.

Te ná ni kuu xa'un unq kuiyaq jee ndáku de jniñu te ni sá'a de viko pascua luu ndasí.

Te veesú súkuan te kíti ni yaq jiín ñayuu Judá siki kuéchi jee ni sá'a Manasés. Jee yúkuan kuá'a ya jnu'un jee jnanú ñuu Judá nájnuu'un ni jnanuu ñuu Israel.

**Jee ní nakani profeta Jeremías ndese ni ka'an
Yaq Dios siki ñayuu ñuu Judá**

Te tiempo jee ní kuu Josías rey te ni tají yá profeta Jeremías jee ka'án de jíín ñayuu Judá. Te ni ka'an yaq jiín Jeremías jee na ká'án de su'va:

—Ká'án Yaq Dios jee ro'ó ñayuu Judá, tu kájetá'ú ró nuu yaq, chi kásá'a xeen ró kuéchi. Chi káchiñú'ún ró ídolo jee ní kasá'a máá ró.

'Chi jíí ró nde jena'án, ní kachiñú'ún de Yaq Dios ná ni kakoyukú de nuu ñú'un té'é ná ni kendakoo de ini ñuu Egipto. Te tiempo yúkuan te ni je'e ya castigo nuu enemigo de. Te ná ni je'e ya ñu'un yá'a núu de koyukú de, yukuán na te ni kasiáá de jee káchiñú'ún de ya.

'Nde profeta jiín sútu ni kasiáá de jee chiñú'ún de ya. Te ndii'i ró jíjná'an ró káchiñú'ún ró ídolo jee tu

ndé jéjníñu kūti. Chi kákuu ró nájnu'un ñayuu jē ske'ichí ni ndute vá'a jē jínu te kásá'a ró jíín yúu ñin pozo nuu kú'un ndute. Te yuu chi kátá'ú te íjin ndute kua'án te, te tuvá kuajníñu. Ndí'i ró jíjná'an ró, je ni kando'o ró tijni jnúndó'o síkí jē tu ní kásá'a ró cuenta Yā Dios. Te núu íyó jnúndó'o chi kákuni ró jē na jnáma ya ro'ó.

'Je ni je'e ya jnu'un jē ñúu Israel ni jnanu. Te ró'ó ñáyuu yúku Judá chi tu kúty'va ró jē chiñú'ún ró ya, vesusú ni jito ró jéé ní kuu jíín ñuu Israel. Te núu ñayuu Israel vijna nakuni i jē ní kasá'a i kuéchi te nandikó i chiñú'ún i ya, te kone ká'nu ni ya nuu i te jnama ya i, te nandikó i ndee i ñuu Jerusalén.

'Te ró'ó ñáyuu Judá, jíni ñú'ún jéé chiñú'ún ró Yā Dios-ni. Chi níuu tuú te sá'a ya jē kiji soldado ichi norte nává'a kanu ñuu ró te kuá'a castigo nuu ró. Te kúu nájnu'un jē ní ñin tu sá'a jniñu vá'a chi tu nándukú ndé ñin kúu jnu'un ndaq te ndé ñin kúu jnu'un stá'ú. Jē síkí yúkuán má kóne ká'nu ni ya nuu ñáyuu Judá, chi sa su'va sá'a ya jē kiji soldado te ki'ín jíín ró, te koyukú ró ñinga ñuu —achí profeta Jeremías.

Jē ni jí'i Josías

Te je ni kuu oko uxí ñin kuiya jē ndáku Josías jniñu, te ni ya'a Necao, rey Egipto, jíín soldado de yajni ñuu Judá jē kua'án de jē chindéé ñá'án de rey ñuu Asiria jē kuajná'an de. Te ni kane Josías jē kuajná'an jíín de. Te tu kúní Necao kuajná'an de jíín rey Josías, te Josías ni safuerza de rey Necao. Te ni je'ni rey Necao Josías. Yukuán na te ñayuu Judá ni katejníñu de Joacaz, se'e yíí Josías, kuu de rey. Yukuán na te ni tava Jeremías ñin yaa jē núku'un ni de Josías.

129. Jeę ni stéén profeta Nahúm nuę ñáyuu Nínive (jeę ka'án libro Nahúm 1-3)

Tiempo jeę ná ni kajenu soldado Asiria ñuu Israel jiín jéę ní ndaku rey Josías jniñu ñuu Judá, te ni tají Yáą Dios profeta Nahúm jeę steén de nuę ñáyuu ñuu Nínive, jeę kúu centro ñuu Asiria. Te ni ka'an de:

—Jehová kúu Yaą Dios kujé'nu, te ni in ma kúu ndonda síkı yaę. Chi núu kitı ni yaę te ni in ma kúu kaku. Te ndito máá yá ñayuu kandíje nuę yaę, te stáan yaę enemigo yaę. Te vijna jeę ndukú ró ndonda ró síkı yaę, te in kivı te stáan yaę ro'ó. Te kondito ya ñayuu Israel, chi kákuu de ñayuu máá yá.

'Te vesú ni je'e ya jnyı'un jeę stó'o ró ñayuu Israel návı'a koo castigo de, te sá'a ya jee jínu jeę kasá'a ró súkuan jíín de. Chi sá'a ya jee kiji ñayuu kuu enemigo



Sá'a ya jee kiji ñayuu kuu enemigo síkı ro

síkì ró te kanda i jíín ró. Te ki'ín i jíín ró ìnga ñuu te kuu ró mozo jee säjniñu sáá-ni. Te kusíkì ni ñayuu jee kuni i jee súkuan ndó'o ró, chi xeéen ndeva'a kándaa ró, te súkuan ni kasá'a ró jíín táká ñayuu —achí profeta Nahúm.

130. Jee ni stéén profeta Sofonías nuu ñayuu Judá

(jee ka'án libro Sofonías 1-3)

Te ná ndáku Josías jniñu ñuu Judá, te ni tají Yáa Dios profeta Sofonías jee ka'an de jíín ñayuu Judá. Te ni ka'an de:

—Ká'án Yaä Dios jee stáan ya ndí'i ñayuu jee chiñú'un ídolo. Te sá'a ya jee ma chíñú'un gá ñayuu ídolo. Te ró'ó ñayuu kándaku jniñu ñuu Judá chi kuä'a ya castigo nuu ró, jíín ñayuu káxikó, jíín ñayuu jíni, jíín ñayuu kasá'a ndeva'a jíín jná'an. Te kátí ni ya jíín ró'ó ñayuu kándaku jniñu ñuu Judá, jíín profeta jíín sútù, chi ndí'i ró kásá'a ró jniñu stívi. Te tu kúní ró kuni so'o ró jnú'un jee ka'án ya. Jee síkì yúkuan te kuä'a ya jnú'un jee ka'ni enemigo ró kue'e ró. Te ndí'i ga ró kingoo ró koyukú ró ìnga ñuu.

'Jíni ñú'un jéé kejéé ró kuatá'ú ró nuu ya vijna nává'a tú-ni xeéen koo kíví jee jnanú ñuu Judá.

'Te na jínu jee kuä'a ya castigo nuu ró te suni stáan ya táká ñuu jee ní kastó'o ró'ó. Te táká ró jee káteku ró tiempo yúkuan te nandikó ró ndekoo ró ñuu Judá. Te nakuä'a ya ñu'un jee ní kuu cuenta enemigo ró, chi síkì jee kákuu ró ñayuu maá yá. Te táká ñayuu jee koteku tiempo saá te ma kúni ga de jnundó'o ñuu Israel. Te ma sá'a de kuëchi, chi kandíje de Yaä Dios te

kusii ni de. Chi sá'a ya jee koo jee vá'a tuku jíín de —áchí profeta Sofonías.

131. Jee ni stéén profeta Habacuc nuu ñáyuu Judá

(jee ka'án libro Habacuc 1-3)

Te nde ná tu naa ñuu Judá te ni tají Yáq Dios profeta Habacuc steén de nuu ñáyuu Judá. Te ni ka'an de:

—Ni jikan ta'ú rí nuu Yaq Dios te ni kajnu'ún rí ya naje'e kúu jee ná tu kua'a ya castigo nuu ro'ó, ñáyuu Judá, jee síkí ndi'i kuechi ró. Chi tu kájetá'ún ró nuu ley Yaq Dios, ni tu kásándaq ndaq ró nuu kájekin ñayuu kuechi. Chi kásá'a ró jee kákanda ñayuu tu kásá'a vaa síki ñáyuu kasá'a vaa.

'Te ni ka'an ya jiín rí jee sá'a ya jee kiji ñayuu caldeo náva'a stó'o i ñayuu Judá. Chi máá i kákuu i tee ndakuu te xeen i jíjná'an i, te kanu i ñuu Judá.

'Yukuán na te ni kajnu'ún rí ya ndese kúu jee vesú Yaq ndoo Yaq vá'a ni kúu ya, te kuajníñu ya ñayuu caldeo jee kuá'a i castigo nuu ñayuu Judá, chi máá i chi xeen gá i vesú ñayuu Judá.

"Te ni ka'an ya jiín rí: "Nasu máá yúkuan-ni kúu ndi'i jee sá'a ri, chi kuéé gá te kua'a ri castigo nuu ñayuu jee xeén ká'íyo nájnu'un ñayuu caldeo. Te sá'a ri jee ñayuu ínga ñuu kikoo i te stó'o i ñayuu caldeo nájnu'un ni stó'o máá i ínga ñayuu. Te kivi un te ndi'i ñayuu jee sá'a ndevaa'a ma kúni i ndese sá'a i náva'a käku i. Te ñayuu jee kandíje i ru'ú chi koteku i. Te kivi un te kuni ndi'i ñayuu jee Yaá kujé'nu kúu máá rí", achí yá.

"Te ñayuu jeę kasá'a i ídolo te kákandíje i jeę ídolo un chindéé ñá'án i, kákuu i ñayuu neé ij. Chi kándetu i jíjná'an i jeę na chíndéé ñá'án ídolo un i. Te ni ma chindéé ñá'án, chi kúu ídolo te ni tu téku. Te Jehová Yaą Dios chi téku ya. Te ndéé yá ini veñu'un ya, te ndi'i ñayuu jíni ñú'ún koo nayúú i, náva'a stéén i jeę iyó yíñú'ún i nuu ya.

"Te ni jikan ta'ú tuku ri nuu Yaą Dios te ni ka'an ri:
"Vijna te jíní na jéę kúu ní Yáą kujé'nu. Te jé'e ní castigo nuu ñayuu, te suni íne ká'nu ni ni núu ñayuu maá ní. Te vesú tu na vé néva'a ná te níní chíñú'ún ná ni'ín te kúsij ni na jíín ní. Chi máá ní kúu jeę jé'e fuerza te jnáma ní sáñña" —áchí profeta Habacuc.

132. Jeę ní ndaku rey Joacaz jiín rey Joacim jniñu ñuu Judá

(jeę ka'an libro 2 Reyes 23:31-24:7; 2 Crónicas 36:1-8;
Jeremías 22:11-12; 25-26; 31; 36)

Te ná ni ji'i Josías nuu guerra te ni nukuiñi se'e yíj de Joacaz kuu de rey. Te ni ndaku de jniñu uni-ni yoo, chi siki jeę Necao, rey ñuu Egipto, ni safuerza de ñayuu Judá chunaa xu'ún impuesto nuu de, te ni ki'in de Joacaz kua'an de jíín. Te ni nukuiñi ñani de Joacim kuu de rey. Te ni ka'an profeta Jeremías jeę ma nándikó Joacaz, chi kuu de ñuu Egipto. Te súkuan ni kuu ndije.

Te tu jétá'ú rey Joacim ley Yaą Dios. Te ná ni kejéé de ndáku de jniñu te ni ka'an Jeremías jiín de jeę núu tu siáá ñayuu jeę sá'a i táka kuéchi, te kua'a ya jnu'un jeę kiji soldado ñuu jiká kanu ñuu Jerusalén.

Te táka sútu jiín profeta sta'ú jiín táka gá ñayuu ni kakuni i ka'ni i Jeremías siki jeę ni ká'an de súkuan. Yukuán na te tée kándaku jniñu ñuu Judá ni kaka'an

de jee^gé je ni ya'a cien kuiya^g je suni súkuan ni ka'an profeta Miqueas, te ni in tu ní káje'ni de. Te jee^gé ní kaka'an de súkuan, te ni siaá ñayuu jee^gé jéni ni i ka'ni i profeta Jeremías.

Jee^gé ni ká'an Jeremías jiín ñayuu ñuu Judá jee^gé kingoo de koyukú de ñuu Babilonia siki^g kuéchi de

Te ná ni kuu uní kuiya^g jee^g ndáku Joacim jniñu, te ni jekondee profeta Jeremías ka'án tuku de:

—Je ni kuu oko uní kuiya^g jee^g ka'án ri^g jnu'un Ya^ga Dios, te tu kákuni kuiti^g ro kuni so'o ró. Te ká'an ya^g jee^g níuu na stoo ró kuéchi ró, te ku^ga'ya jnu'un koyukú ró níí káni-ni nuu ñú'un yá'a jee^g ni jé'e ya nuu jií ro^g nde jena'án.

'Te siki^g jee^g máni máá ídolo káchiñú'un ró te ku^ga'ya jnu'un jee^g Nabucodonosor, rey ñuu Caldea, kuajná'an de jiín ró te kanda de. Te jee^g siki^g yúkuan te kingoo ró koyukú ró ñuu jiká úní xiko uxí kuiya^g. Te ku^ga'ya jnu'un jee^g rey Nabucodonosor kanda de jiín táka gá ñuu yúku yajni. Te ná yá'a uní xiko uxí kuiya^g, te ku^ga'ya castigo nuu ñayuu caldeo, te ni in ga ma koyukú ñuu de —áchí de.

Te in^ga jínu te ni ka'an Jeremías:

—Ká'an Ya^ga Dios jee^g kee in kivi^g jee^g sá'a ya in trato jeé jiín ró. Te siin koo násuú jee^g ni sá'a ya jiín jií ro^g nde jena'án ná ni tava ya^g de ñuu Egipto. Chi tu ní káskíku de parte maá de nuu^g trato un. Te trato jee^g sá'a ya jiín ró kúu jee^g tee ya ley ya^g ini anuá ro^g nává'a koku'un ni ro^g skíku ró núu ya^g, te kuu ró ñayuu maá yá. Te kone ká'nú ni ya^g nuu ndi'i kuéchi jee^g kasá'a ró —áchí de.



Ni je'mu rey Joacim tutu jee ní tee Baruc

Te ná ni jini so'o rey Joacim jnu'un un te tu ní
nákani ni de nuu ndí'i kuéchi jee ni sá'a de, chi sa ni
ki'in de tutu jee ní tee Baruc te ni je'mu de, chi tu
kándíje kuiti de jnu'un jee ka'án Jeremías. Yukuán na
te ni ndaku ya jniñu nuu Jeremías jee na nátee tuku de
jnu'un ya, te ka'an de jiín Joacim jee kuá'a ya castigo
nuu de, chi kiví kúu de te ma kínduji yíkí kúñu de siki
jee ni sá'a de súkuán.

Jee ní kakajná'an Nabucodonosor jiín ñuu Judá

Te nde ná ni kejéé Joacim ndaku de jniñu ñuu Judá te ni jini ñú'ún chunaa de xú'ún impuesto nuu rey Necao ñuu Egipto. Te ni ndaku de jniñu nuu ñáyuu Judá jeé na chunaa ya'u impuesto nává'a ni'ín de xú'ún impuesto chunaa de nuu rey un.

Yukuán na te Nabucodonosor, rey Caldea, ni kanda de jíín soldado rey Egipto. Te yukuán na te ni chunaa Joacim xú'ún impuesto nuu rey Nabucodonosor. Te ná ni ya'a uní kuiya te tuvá ni kúní de chunaa de. Te ni je'e Yaq Dios jnu'un jeé kue'e soldado tijni ñuu kiji kuajná'an jiín ñuu Judá. Yukuán na te ni kiji rey Nabucodonosor jeé kuajná'an de jíín Judá. Te ni jníi de rey Joacim jíín kué'e ñayuu Judá, te kuangoo de nde ñuu Babilonia. Te suni ni stutú de ndajníñu ya'u jeé iyó veñu'un ya, te kua'án de jíín, te ni chuva'a de ini palacio de nde ñuu Babilonia. Te ná ni ji'i Joacim te ni nukuiñi se'e yíí de Joaquín kuu de rey.

133. Jee kua'án sava ñayuu Judá nde ñuu Babilonia ni sá'a ñayuu caldeo

(jee ka'án libro Daniel 1-3)

Jee kuangoo Daniel jiín Sadrac jiín Mesac jiín Abed-nego nde ñuu Babilonia

Te ná ni jníi rey Nabucodonosor rey Joacim ñuu Judá te suni ni nastútú de sava ga ñayuu Judá kua'án de jíín ndé ñuu Babilonia. Te me'ñú ñáyuu un suni kua'án kuun tée suchí, te nání de Daniel jiín Sadrac jiín Mesac jiín Abed-nego. Te kúní rey Nabucodonosor jeé skuá'a táká tée listo kundíchí de te kuajníñu de ñuu Caldea. Te ni chindéé ñá'án Yáq Dios kuun tée suchí

un jé~~e~~ kundíchí de. Te nuu Daniel ni je~~e~~ ya jnu~~u~~'un kuni de ndese kúní ka'an jeni. Te kúsi~~h~~ ndasí ni rey Nabucodonosor jiín de jíjná'an de sík~~i~~ jee~~e~~ ndichí de. Te ni tejníñu rey un de jee~~e~~ kúu de tee jee~~e~~ kuá'a de consejo jee~~e~~ chindéé ñá'án rey un.

Jee~~e~~ ni jení rey Nabucodonosor

Te ni kuu jee~~e~~ ín jekuáa ni jení rey Nabucodonosor ín jeni. Te ni jikan de nuu táka té~~e~~ ndichí jé~~e~~ na ká'án de na jení kúu jíín na vé kuní ka'an. Te ni kaka'an de jee~~e~~ ma kúu kachi de na vé kuní ka'an núu tu xí'na ga nakani rey ndese ni jení de. Yukuán na te ni kith ni rey, te ni ndaku de jniñu nuu soldado jee~~e~~ ka'ni de ndi~~h~~í ñayuu ndichí ñuu Babilonia.

Yukuán na te ni jinu soldado jee~~e~~ jni~~h~~ de Daniel jiín úni ga amigo de, te ni kajnu~~u~~'ún Daniel tee ndáku jniñu nuu soldado na sík~~i~~ kúu jee~~e~~ ní ndaku rey jniñu jee~~e~~ koo súkuan. Yukuán na te soldado un ní kachi de nuu Daniel, te ni je'en Daniel nuu rey. Te ni ka'an de jíín rey jee~~e~~ na kóndetu de jeku tiempo. Te ni jetá'ú rey kóndetu de. Yukuán na te kuanu~~u~~'un Daniel ve'e de, te ni kachi de nuu ndiñúní amigo de taká jé~~e~~ iyó. Te ni kajikan ta'ú ndi~~h~~í de nuu Yaq Dios. Te ni steén yaq nuu Daniel jení jee~~e~~ ni jení rey jiín jé~~e~~ kuní ka'an jeni un.

Yukuán na te ni je'en Daniel nuu tee ndáku jniñu nuu soldado. Te ni ka'an de jíín jé~~e~~ ma ká'ni de ni ín tee ndichí kájejníñu nuu rey, chi sa su'va xí'na ga na kíndeka de Daniel nuu rey. Te ni jinu Daniel nuu rey Nabucodonosor, te ni kachi de jení ni jení rey. Chi ni ka'an de:

—Tátə rey, ni ın təe vəsú ndichí ndasí de, te ni ma kúu kachi de na vé ni jéni ní. Te jiín jéni un ní steén Ya₉ Dios ndese koo níñ gá kua'₉an yo. Chi ni jení ní ın figura ñayuu ká'nu ndasí. Te xinj kúu máá oro kuiti. Te yíkì jíká jiín nda'a kúu kaa plata. Te chiji kúu kaa bronce. Te si'₉in kúu kaa hierro. Te sava je'₉e kúu ñu'un te sava kúu kaa hierro.

'Yukuán na te ın toto ni kendę maá xínj ın yuku súkún, te ni tuu ni jinu maá je'₉e figura un. Te ni kuyuchí figura un ní sá'a, te ni kee tachı te ni ndechí kuá'₉an. Yukuán na te toto un ní nduu ın yuku ká'nu ndasí.

'Súkuán kúu je₉ ni jéni ní. Te je₉ kuní ka'₉an kúu je₉ maá ní kúu xinj oro un, chi síkì je₉ kujé'nu ní, rey Nabucodonosor. Te na yá'a jeku tiempo te koo ın ñuu je₉ tú-ni kújé'nu ndasí nájny' un máá ní. Suu kúu kaa plata. Te na yá'a tuku jeku tiempo te koo ıṅga ñuu, te suu kúu kaa bronce. Yukuán na te koo ıṅga ñuu, te suu kúu kaa hierro. Te je'₉e je₉ kúu kaa hierro jiín ñu'un kúu je₉ koo ıṅga ñuu, te ta'₉u sáva, te sava kujé'nu te sava tuú. Te kívì un te Ya₉ Dios sá'a ya ın ñuu je₉ yóna stá₉an kuiti ga —achí Daniel.

Je₉ ni íne Sadrac jiín Mesac jiín Abed-nego ini horno

Te ni ya₉'a jeku tiempo, te ni sá'a Nabucodonosor ın ídolo oro ká'nu ndasí. Te ni ndaku de jniñu je₉ na jékuiñi yítí ndí'í ñayuu chiñú'ún i ídolo. Te núu ndé ın tu ní jétá'ú te ki'₉in nuu horno ñu'₉un ji'ní loco kuiti. Te tu ní kájekuiñi yítí Sadrac jiín Mesac jiín Abed-nego je₉ chiñú'ún de ídolo. Te vəsú ni ka'₉an rey Nabucodonosor

jiín de īga jínu, te tu ní kákuni kuiti de jekuiñi yití de jee chiñú'un de ídolo un. Te ni kaka'an de:

—Íyó in jee kúu chindéé ñá'án sáñá jíjná'an ná, te suu kúu Yaq Dios jee káchiñú'un ná. Te vesú núu tu jnama ya sañá te ni ma chiñú'un ná ídolo ni —áchí de jíjná'an de.

Te ná ni jini so'o rey Nabucodonosor te ni nduxeen ndasí de. Te ni ndaku de jniñu nuu tée sájniñu jíín de jee na sáji'ní téyí de horno, te ku'ni de ndinúní tée Judá, te



Ni jito Nabucodonosor jee iyó kúun tée ini horno

skáne de nuuhorno. Te horno un ji'ní xéen teyí kú'va jeení kaji'i tee jeekaskáne de ñayuu Judá nuuhorno un.

Yukuán na te ni jito Nabucodonosor jeeiyó kúun tée jeekájika de me'ñú yáñu'un un. Te tée kuun un ná jító Yaq Dios jító. Yukuán na te ni je'en yajni de yé'yí horno, te ni kana de jeena kéndakoo de nuuñu'un. Te ni kendakoo de, te ndinúní de tu ní kákayu kuiti de, ni xikoñu'má tu jé'e i de. Te jeesíkí súkuan ni kuu, te ni tee Nabucodonosor in ley nuuka'án jeenúu ndé in ká'án neé síkí Yaá Dios jeechiñú'un Sadrac jiín Mesac jiín Abed-nego te koo castigo nuu*i*.

134. Jeé ní ndaku rey Joaquín jniñu ñuu Judá

(jeeka'án libro 2 Reyes 24:8-17; 2 Crónicas 36:9-10; Jeremías 22:24-30; 29:1-14)

Joaquín, se'e yíí rey Joacim, ni ndaku de jniñu ñuu Judá uní-ni yoo. Te tu ní jétá'u de nuuley Yaq Dios. Te ni tají Yáq Dios profeta Jeremías kachi nuude jee ki'ín de ñuu, te yukuán kuu de.

Te ni je'e ya jnu'un jee skondúu rey Nabucodonosor soldado de ñuu Jerusalén. Yukuán na te tuvá ni kánda ñayuu ñuu Jerusalén. Te ni jníi Nabucodonosor Joaquín kua'an de jíín ñuu Babilonia, jeekúu centro ñuu Caldea. Te yukuán ní chune de Joaquín vekqa. Te suni kua'an de jíín táka tée jeekájejníñu nuu rey Joaquín, jíín táka tée jee kasá'a de jniñu lúu, jíín ndi'i soldado ñuu Judá. Te ni stóo de máá ñayuu nda'ú na ñuu Judá. Te ni tejníñu de Sedequías kuu rey. Te ñani tatá Joaquín kúu de.

Te kíví un ní tají Jeremías ḫn tutu nuu ndí'i ñayuu Judá jee kuángoo de jíín Nabucodonosor ñuu Babilonia. Te nuu tútu un ká'án jee na sá'a de ve'e de, te taji de, te nand'a de, chi koyukú de yukuán úní xiko uxí kuiya. Yukuán na te kua'a Yaq Dios jnu'un jee nándikó de ñuu Judá.

135. Jee ni stéén profeta Ezequiel nuu ñayuu Judá jee káyukú i ñuu Babilonia

(jee ka'án libro Ezequiel 1-24)

Jee ní tají Yáq Dios Ezequiel jee nákani de jnu'un ya

Te me'ñú ñayuu jee kuángoo jíín Nabucodonosor, rey Caldea, ñuu Babilonia jíín rey Joaquín kua'an ḫn tée nání de Ezequiel. Te ná íyó de ñuu Babilonia te ni jito ndijin de ndese jé'nu kúu Yaq Dios. Te me'ñú un ní ka'an ya jíín de jee kuní ya jee na ká'án de jíín ñayuu Judá jee káyukú de jíín ñuu Babilonia. Te ni ka'an ya su'va jíín de:

—Tájí rí ro'ó jee na stéén ro nuu ñayuu Judá. Te yo'yo ní'ni ni i, te ma kúni so'o i jee ka'án ro. Te vesus súkuan te jíni ñú'ún jee ki'ín ro kachi ro jee kuá'a ri castigo nuu i, te ndo'o i síki ndí'i kuéchi jee ní kasá'a i.

'Te ndo'o i jee síki kuéchi máá i. Te núa ma káchi ro nuu i te suni kuéchi ró kúu jee ndó'o i. Chi núa káchi ro nuu i jee kuá'a ri castigo, yukuán na te kuéchi máá i kúu. Te núa tu káchi ro nuu ñayuu jee kasá'a va'a jee ma sá'a i kuéchi, te kékéé i sá'a i, te ndo'o máá i síki kuéchi i. Te ḫn parte chi kuéchi máá i kúu, te ḫngā parte chi kuéchi máá ró kúu síki jee tu ní káchí ró nuu i. Te núa na ká'án ro jíín i te sanaa te sá'a i caso, te súkuan te ma sá'a i kuéchi te ma ndó'o i. Te súkuan

koo jeę́ sá'a ró jeę́ kuní rị́ jeę́ sá'a ró —áchí yá jiín Ezequiel.

Jeé ní nakani Ezequiel jnú'un Yaą́ Dios ini ñuu Babilonia

Jeé yá'a kúu jnú'un Yaą́ Dios jeę́ steén profeta Ezequiel nuu ñáyuu Judá:

—Kuą'a Yaą́ Dios jnú'un jeę́ kanu soldado caldeo ñuu Jerusalén te ka'ni kue'ę́ ñayuu. Tijni i kuu jeę́ siki sóko, te tijni i kuu jeę́ siki kue'yı. Te tijni i kuitę́ nuu tą́ká ñuu. Te kuą'a ya castigo súkuán chi siki jeę́ ní ni ndasí ni rō nuu ya, kų'va jeę́ ní kachiñú'ún ró ídolo jeé ní kachu'un ini veñu'un ya. Jeé yúkuán kuá'a ya jnú'un jeę́ kijikoo ñayuu caldeo jiín jekua ga ę́ ñayuu kéndo ńuu Judá koyukú i Babilonia yá'a.

'Suni kiji Sedequías Babilonia vesú na ndukú de ką́ku de. Te ni ma kúu koto de ñuu Babilonia. Te jeku su'va-ni ñayuu Judá koteku i te nakani i jnú'un ndese ni kuu, te kuni i jeé Jehová kúu Yaą́ Dios —achí Ezequiel.

Jeé ní nakani ga Ezequiel jnú'un Yaą́ Dios

Te suni ni ka'an ga ya jiín de:

—Máá rí kúu nájnu'un yiı̄ nuu ñáyuu Israel. Te tu na sa'ma ńú'un i, te jně́én jíka i ná ni nani'ın rị i. Te máá rí ni nachu'un ri sa'ma lúu siki i. Te yachı_-ni ni kasájé'nú i máá i, te ni jengoo i ni ndukú i ídolo jeé chiñú'ún i, nájnu'un ın̄ ńa'an jeę́ ndukú ńa ın̄ tée jeé nasuú yiı̄ ńa kúu te kusu ńa jiín. Jeé siki yúkuán kuá'a ri castigo nuu ñáyuu hebreo.

"Te máá ñáyuu jeę́ ní kasá'a i kuechi ni'ın i castigo. Ma kuá'a ri castigo nuu ın̄ tée jeé kuéchi tatá de chí jée

kuéchi se'e de, chi kuá'a ri castigo nuu de jee sikí kuéchi máá de. Te núu ni sá'a de kuechi, te ni nakani ni de jee sikí kuéchi de te kejéé de sá'a de jee vá'a, yukuán na te kone ká'nu ni rí nuu kuéchi jee ni sá'a de. Chi va'a ga kúu jee tée sá'a kuechi na siáá de jee sá'a de kuechi te sá'a de jee vá'a, vesú jee kuá'a ri castigo nuu de. Te núu in tée jee sá'a jee vá'a te siáá de jee sá'a de jee vá'a te kejéé de sá'a de kuechi, yukuán na te kua'a ri castigo nuu de. Te ma chí'i ri cuenta táká jee vá'a jee ni sá'a de.

'Nde kíví jee ní tava rí ñayuu hebreo ñuu Egipto, ndí'i de ni kakuní ni ni de. Judá jiín Israel kákuu nájny'un uu ku'u. Vesú ni kakixí jiín ñinga tée, te ni sá'a ri ñasi'í rí. Te kuangoo-ni tuku kusu jiín ñinga tée. Judá, jee suchí gá, ni jito ndese sá'a ku'u jéva'a jee kúu Israel, te suni ni jito ndese ni je'e ri jnu'un jee soldado Asiria, jee kúu de jnení Israel, ni je'ni de ñuu un. Te ni vesú súkuan te tu ní kákutu'va Judá, chi unuú-ni ni sá'a. Jee yúkuan kuá'a ri jnu'un jee jnení i jee kúu Caldea, ka'ni de i jíjná'an i —achí yá jiín Ezequiel.

Te ni ka'an ga Ezequiel jiín ñayuu:

—Tu na'án te kiji Nabucodonosor jiín ñinga ga grupo ñayuu Judá nde Babilonia yá'a. Te súkuan te kuni ro jee ndaaá ka'án rí —achí de.

136. Jee ní jenu Nabucodonosor, rey ñuu Caldea, ñuu Jerusalén

(jee ka'án libro 2 Reyes 24:18–25:21; 2 Crónicas 36:11-20; Jeremías 21; 24; 27:12–28:17; 32–35; 37–39; Ezequiel 17:11-18)

Sedequías, stoo rey Joaquín, ni ndaku de jniñu uxí in kuiyá ñuu Judá. Te suni tu ní jétá'ú de nuu ley Yaá

Dios. Te profeta Jeremías ni ka'ān de jiín Sedequías jee na kuátá'ú de nuū rey Nabucodonosor, ñuu Caldea. Chi sá'a Yaq Dios jee ma ndó'o ndí'i ñayuu jee kuangoo jiín ñayuu caldeo ñuu Babilonia. Te kuq'a ya castigo nuū ñayuu jee ndukú de kendoo de ñuu Judá, chí jée kunu de ki'in de ñuu Egipto. Te suni ni ka'ān de jiín Sedequías jee kuá'a ya jnu'un jee jni Nabucodonosor de ki'in jiín de ñuu Babilonia. Te yukuán kuu va'a de. Te tu ní kúní Sedequías sá'a de caso nuū Jeremías.

Te ni iyo sava ñayuu jee kákā'ān de jnu'un stá'ú jée kákuu de profeta Yaq Dios, te ni ka'ān de jiín Sedequías:

— Ma kuá'a Yaq Dios jnu'un jee ni'ín Nabucodonosor ñuu Jerusalén.

Suni ni ka'ān de jee tu na'án te ndekoo ndajníñu ya'u jee ní kaki'in ñayuu caldeo veñu'un ya kuangoo de jiín.



Ni ka'ān profeta Jeremías jiín rey Sedequías

Te vesú súkuan te ni ka'ān ga Jeremías jee ki'in Nabucodonosor ndi'i táká ndajníñu jee ní kendoo ga ini veñu'un ya, ki'ín de jíín ñuu Babilonia nde kiví jee kuá'a ya jnu'un jee nandikó tuku de jíjná'an de ñuu Judá.

Te ni kandíje ga Sedequías jee kákā'ān profeta sta'ú vesú jee ka'án Jeremías. Te ni kunj'ni ni de nuu Nabucodonosor, te tuvá ni skíku de trato jee chúnaa de impuesto nuu Nabucodonosor. Te ni jikan de jee na chíndéé ñá'án rey Egipto de.

Jee sikí jee ni sá'a de súkuan te ni je'e ya jnu'un jee nándikó Nabucodonosor ñuu Jerusalén te skondúu tuku de soldado de ñuu Jerusalén. Te súkuan ni ka'ín de in kuiya yosáva. Te sava tiempo yá'a te Sedequías ni chune de Jeremías vekaa, chi sikí jee ni ká'ān ga Jeremías jee kanu ñayuu caldeo ñuu Jerusalén. Te vesú súkuan te tu ní siáá Jeremías jee ka'án de jíín rey jiín ñayuu jnu'un ndaq jee ka'án Yaq Dios.

Te in kiví te rey ni kana de Jeremías. Te ni kajnu'un de na vé kukúu jee sá'a de. Te ni ka'ān Jeremías jee jini ñú'un nachi'i de máá de nda'a rey Nabucodonosor. Te Sedequías chi yú'ú de sá'a de.

Te ni kee in kiví jee ñayuu Jerusalén tuvá kánda de jee sóko. Te Sedequías jiín táká téé kájejniñu nuu de ni kendakoo yu'u de ñuu un in jekuáa, te ni ndukú de kunu de. Te ni kajito soldado caldeo un te ni kajniñi i de. Yukuán na te ni kaje'ni i táká sé'e Sedequías te ni tava i tñuyú de, te kuangoo i jíín de ñuu Babilonia. Te súkuan ni skíku jnu'un jee ní kaka'ān Jeremías jiín Ezequiel jee jniñi i Sedequías kingoo i jíín de ñuu Babilonia, te ni ma kúu koto de ñuu un.

Yukuán na te ni kajenu soldado caldeo veñu'un ya jiín palacio rey jiín ndi*'i* taká ve'e vá'a, jiín ndi*'i* muro jeee ndi'yú ñuu un. Te ni kaje'ni de kue'e ñayuu, te sava ga kuangoo de jiín ñuu Babilonia.

137. In jnu'un kuí'yá ni síkì ñúu Jerusalén (jee ka'án libro *Lamentaciones 1-5*)

Níní ní yo kué'e ñayuu Jerusalén, te vijna chi ni ndu'i yú. Chi enemigo yo ni tava yo'ó, te kua'an jiín yó ñinga ñuu jiká nuu káyukú yó vijna te kákuu yó mozo jeee kasájniñu sáá-ni. Ni sá'a ndevaa ndi*'i* enemigo yo jiín yó. Te ni in tu ní chíndéé ñá'án yó'ó. Ndi*'i* jeee yá'a ndó'o yó síkì kuéchi jeee ní kasá'a yó.

Táta Yaq Dios, kava vaa ni ni koto ní ndese kándo'o ná.

Te Jehová chi ni kuni ya jeee súkuan koo síkì jee ní kakunini ni yo nuu jeee ní ndaku ya jeee sá'a yó.

Te kákusiñ ni ndi*'i* enemigo na jéé kándo'o ná súkuan. Kava vaa ni ni, Táta Yaq Dios, sá'a ní jeee kee yachikiví jeee suni ndo'o i síkì kuéchi jeee kasá'a i.

Jé'e Yaq Dios jnu'un jeee ndi*'i*-ni jnundó'o ndo'o ñayuu Judá. Chi ni je'e ya jnu'un jeee kanu enemigo ñayuu Judá veñu'un ya. Te vijna tu íyó ni in ñayuu ñuu Judá jeee núku'un ni kiví ndétatú ni viko jeee kasá'a yó nuu yaq. Chi tuvá íyó sútu ni rey. Te ni in ga tuvá núku'un ni ley Yaq Dios.

Kákukuí'yá ndasí ni rí jeee kákuu ri ñayuu hebreo. Ndá'yú ndasí rí nde sá'a jeee tuvá kúu koto vaa ri, síkì jeee xeén kándo'o ñayuu ñuu rí. Tu jíní rí ndese chindéé ñá'án rí i. Chi profeta sta'u ní kaka'an de jnu'un tu ndaq, te tu ní sá'a de jeee nakani ni ñayuu jeee ní kasá'a i

kuechi. Jeę síkí yúkuan tu ní kásiáá i kuechi jeę kasá'a i. Te tu ní kúu sá'a i jeę káku i nuu jnúndó'o. Te kájeku enemigo yo, chi síkí jeę ñúu luu Jerusalén ni nduu jee maá yúu na kayukú. Chi ni skíku jeę ni ká'an Yaą Dios.

Táta Yaą Dios, ma náą ni ni sáña jíjná'an ná. Chi kondetu ná jéę chindéé ñá'án ní sañá jíjná'an ná. Te jíní va'a ná jéę maní ga ni ni jíin ná. Chi va'a ni Yaą Dios kúu ní, te kundá'u ni ni sáña. Ma kití ni ni jíin ná niñ káni, vesú jé'e ní castigo nuu na vijna. Te kuéé gá te kundá'u ni ni sáña, chi síkí jeę maní ni jíin ná. Te kona'án ná sá'a va'a ná jíin ñayuu. Te núu tu kásá'a ná jéę kuní ni te yükuán na te jíni ñú'ún jéę kejéé ná sá'a ná. Te tu jíni ñú'ún ká'an sta'u ná jee jikán ta'u na núu ni, chi jíni ñú'ún káka ta'u ndije ná.

Táta Yaą Dios, ma náą ni ni táka jéę ndó'o ná jíjná'an ná, chi jendaá kúu jeę kándo'o ná. Te máá ní kúu Yaą Dios jeę ndáku jniñu niñ káni-ni síkí ñayiví. Kava va'a ni ni má náą ni ni sáña jíjná'an ná. Te sá'a ní jéę chiñú'ún tuku ná ní'ín jíjná'an ná.

138. Jeę ní kaka'an profeta Abdías jiín Ezequiel ndese koo jíin ñayuu Edom

(jeę ka'án libro Ezequiel 25; Abdías 1)

Te ná ni ya'a jeku tiempo jeę ní jenu Nabucodonosor ñuu Jerusalén, te ni kachi Yaą Dios nuu profeta Ezequiel ndese koo síkí ñayuu ñuu Edom. Te ni ka'an de:

—Ká'án Yaą Dios jeę iyó yá contra ñayuu Edom. Te kee in kívi jeę kuá'a ya jnu'un jeę stáan ñayuu hebreo ñuu Edom. Sá'a de súkuan síkí jeę ñayuu Edom ni kachindéé ñá'án de ñayuu caldeo jeę ka'ni de ñayuu

jeę yúku ñuu Judá. Jeę síkí yúkuán kuá'a ya jnü'un jeę kúü ñayuu Edom, te ni in ma kóyukú gá ñuu de —áchí Ezequiel.

Te tiempo yúkuán suni ni tají yá profeta Abdías ka'an jiín ñayuu Edom. Te ni ka'an de:

—Ró'ó ñayuu Edom chi ni kusíü ndasí ni ró ná ni jini ró jnú'un jeę ní kajenu ñayuu caldeo ñuu Jerusalén, te ni kaje'ni de ñayuu Judá. Te máá ró chi ni jengoo ró ní kaki'in ró táka jéę ni ndóo, te ni kaje'ni ró ñayuu hebreo jee jínu kuangoo. Te sá'a Yaq Dios jiín ró nájnu'un ni kasá'a ró jíin ñayuu Judá. Te sá'a ya jee koo jee vá'a tuku jíin ñayuu hebreo. Te ró'ó jíjná'an ró chi naa ró síkí jee kasájé'nu ró máá ró —achi Abdías.



Ni ka'an profeta Abdías jiín ñayuu Edom

139. Jeekuángoo ñayuu jeé ní kendoo ñuu Judá nde Egipto

(jeé ka'án libro 2 Reyes 25:22-26; Jeremías 40-44; Ezequiel 29-32)

Nabucodonosor, rey ñuu Caldea, ni tejníñu de Gedalías kuu de gobernador nuu ñayuu jeé ní kendoo ñuu Judá. Te suni íyó profeta Jeremías ñuu Judá, chi síki jeé tée ndáku jniñu nuu soldado caldeo ni je'e de jnu'un jeé kuu nandikó de. Ni ka'an Gedalías jiín ñayuu jeé núu na kuátá'u de nuu Nabucodonosor te tu na vé kóo kuíti jiín de. Te in tee nání de Ismael, ni je'ní de Gedalías, te ni kanayu'u ñayuu hebreo ni kajito de ñayuu caldeo. Jeeyúkuan ní jeni ni de jeé vá'a ga kingoo de ñuu Egipto náva'a kaku de.

Te ñayuu kándaku jniñu nuu ñayuu hebreo, ni jengoo de nuu Jeremías. Te ni ka'an de jiín Jeremías jeé na kájnu'ún de Yaq Dios ndese sá'a de jijná'an de. Te ni kajejnu'un de jeesá'a de jeé ka'án yaq. Te tu ndaaa, chi tu jíkán i sá'a de jeekuní Yaq Dios, chi je ni katee ni de jeekingoo de ñuu Egipto. Te ni ka'an Jeremías jnu'un jeé ni ká'an Yaq Dios jiín de:

—Áchí Yaq Dios: “Jíni ñú'ún kendoo ró ñuu Judá. Te súkuan te sá'a ri jeevá'a koo jiín ró. Ma yu'u ró koto ró Nabucodonosor, chi ma kuá'a ri jnu'un jeé sá'a ndevaa de jiín ró. Ma kíngoo ró Egipto jeé kani ni ró jeé vá'a koo jiín ró yukuán. Te tuú chi núu na kíngoo ró te ndo'o ró, chi sava ró kuu jeé sóko, te sava ró kuu nuu guerra”, achí yá —achí Jeremías.

Te ñayuu kándaku jniñu un, tu ní kásá'a de caso jnu'un ni ka'an Jeremías. Te kuangoo de jiín ndi*'i* ñayuu nde ñuu Egipto. Te ni kasá'a de jeé kua'án Jeremías jiín

de. Te ná ká'yo de ñuu Egipto te ni ndaku Yaq Dios jniñu nuu Jeremías jee na ká'án de jíín ñayuu Judá:

—Tu na'án te kiji Nabucodonosor jee kundeyí de jíín ñuu Egipto. Te kuu ndi'i ñayuu Judá jee káyukú ñuu Egipto chi máni ídolo káchiñú'ún i —áchí de.

Te ni ya'a tijni kuiya jee ni sá'a rey Nabucodonosor jee ni jínungoo ñayuu Judá ni koyukú i ñuu Babilonia, jee kúu centro ñuu Caldea. Te ni ka'an profeta Ezequiel jiín i jíjná'an i jee tu na'án te kundeyí ñayuu caldeo sìkì ñayuu ñuu Egipto. Te ka'ni Nabucodonosor kue'ë ñayuu káyukú ñuu Egipto. Te ki'in de táká jée lúu jíín xú'un jee iyó yúkuan, te kiji de jíín ñuu Babilonia. Te kanu de ndi'i táká ñuu jee iyó ñuu Egipto. Te ká'án Yaq Dios jee sá'a ya jee koo tiempo jee ní in ma kóyukú ñuu Egipto.

140. Jee ni ká'an tuku profeta Ezequiel jiín ñayuu Judá jee káyukú ñuu Babilonia

(jee ka'an libro Ezequiel 33-34; 36-48)

Jee ní nakani Ezequiel jnu'un Yaq Dios nuu ñayuu ñuu Judá jee káyukú gá i ñuu Babilonia

Ni ndaku Yaq Dios jniñu nuu Ezequiel jee jíni ñú'ún ká'an ga de jíín ñayuu Judá jee kández ñuu Babilonia, centro ñuu Caldea, vesú je ni jnanu ñuu Jerusalén. Te ná ni ya'a jeku tiempo jee ni jnánu ñuu Jerusalén, te ni jinungoo ga ñayuu Judá ñuu Babilonia. Te ni kanakani de jnu'un ndese ni kuu jíín ñuu un. Yukuán na te ni ka'an ya jíín profeta Ezequiel jnu'un jee kuní ya jee ka'án de jíín ñayuu Judá. Te ni ka'an de:

—Ndi'i ró ñayuu hebreo kasá'a ró ndi'i táká kuéchi. Te kájeni ni ro jee ku'a Yaq Dios jnu'un koyukú ró ñuu

Judá s̄ik̄i jeę ní jejnu'un ya nuu jií rō Abraham jeę kuá'a ya ñuu Canaán nuu yukún de. Te sá'a ya jeę ní ìn ma kóyukú ñuu Judá s̄ik̄i jeę ní kasá'a rō kué'ę kuechi. Te súkuan te kuni rō jeę maá yá kúu Yaą Dios —achí de.

Te kue'ę ñayuu ni kakajnu'un i Ezequiel ndese kúní ya jeę sá'a i, te ni sá'a ya jiín Ezequiel jeę kuni de jee kuéchi kástá'ú-ni i, chi vesú kuni i kuni i ndese kúní ya jeę sá'a i te ni ma sá'a i jíjná'an i.

**Jeę ní nakani Ezequiel jny'un Yaą Dios nuu téé
kákujé'nu nuu ñayuu ñuu Judá jeę káyukú i ñuu
Babilonia**

Te suni ni ka'an ya jiín de ndese kúní ya jeę ka'án de jiín ñayuu kándaku jniñu nuu ñayuu Judá jeę káyukú i ñuu Babilonia:

— Tu nújna'an ni Yaą Dios ro'ó ñayuu kándaku jniñu, chi tu ndí'ví ni rō jeę koo jeę vá'a jiín ñayuu ñuu rō. Chi kuechi ndí'ví ni rō jeę ni'ín maá-ni rō, te tu chíndéé ñá'án rō ñayuu. Chi kákuu rō nájnu'un t̄ee jeę tu ndíto va'a lanchi. Chi sa jé'ni de t̄i te yéji de, lugar jeę na kóndito va'a de t̄i. Jeę yúkuan ká'án ya jeę ma kuá'a ga ya jny'un jeę ndaku rō jniñu.

'Chi máá yá nastútú yá ñayuu maá yá jeę ni jíte níu t̄ijni ñuu, te ki'ín ya jiín i nde ñuu Israel ingle jínu. Te máá yá kondito ya i, te stéén ya ichi vá'a kaka i. Chi sá'a ya jeę ín t̄ee yukun David ndaku de jniñu. Te kív̄i un chi va'a koo jiín i jíjná'an i, chi chindéé ñá'án yá i jíjná'an i —achí de.

**Jeę ní nakani Ezequiel jny'un Yaą Dios nuu ndí'i
ñayuu ñuu Judá jeę káyukú i ñuu Babilonia**

Suni ni ka'an ga Ezequiel jny'un máá yá nuu ñayuu Judá jeę káyukú i ñuu Babilonia:



Ni kachiñú'ún ñáyuu hebreo ídolo

—Ká'án Ya₧ Dios jee₧ kuá'a ya castigo nu₧ ndí'í ñuu
jee₧ ní kastó'o i ró'ó jíjná'an ró. Te suni sá'a ya jee₧¹
nandikó ró ñuu maá ró. Te yukuán sá'a ya jee₧ vá'a koo
jíin ró —achí de.

Te suni ni ka'án ya jiín Ezequiel:

—Ni je'e ri castigo nu₧ ñáyuu hebreo, chi sík̄i jee₧ ní
kachiñú'ún i ídolo, te kítí ni rí sá'a i. Te jee₧ yúkuán
kuá'a ri castigo nu₧ i. Chi v̄esú ni sá'a ri jee₧ koyukú i
íngā ñuu, te suni yukuán káchiñú'ún i ídolo.

'Te ma kuá'a ri jny'un jee₧ kúy ndí'í i, v̄esú n̄i'ni
ndasí ni i. Chi sá'a ri jee₧ nandikó tuku i ñuu Israel íngā
jínu. Te nasqú sík̄i jee₧ vá'a kásá'a i, chi sík̄i jee₧ maá rí
kúu Ya₧ Dios te súkuán kúní rí sá'a ri. Te íngā ñayuu
íngā ñuu jee₧ koto i ndese sá'a ri, kuni i jee₧ maá rí kúu

Yaq Dios. Yukuán na te kone ká'nu ni r̄i nuu ndí'i kuechi jee ní kasá'a ñayuu hebreo. Te kua'a ri anuá jeé núu i, te tají rí Espíritu r̄i koo jíín i jíjná'an i, náva'a súkuan te kuatá'u i nuu ley r̄i te sá'a i jniñu vá'a. Yukuán na te ñuu i koo jee vá'a ndasí ñinga jínu. Vijna te kuá'án te ka'an ro súkuan jíín ndí'i ñayuu hebreo —achí yá.

Te súkuan ni sá'a Ezequiel.

Jee ni stéén Yaq Dios nuu Ezequiel ndese ga koo ichi núu

Te in kívi ni stúu ya nuu Ezequiel in ndu'va ká'nu jee yúku ndasí yíki ndíyi. Te ni na'ichi ndasí yíki un yúku. Te ni ka'an ya jee yíki un nduu ñayuu ñinga jínu. Te ni kachi ya ndese ka'an de jíín yíki un náva'a nduu ñayuu. Te ná ni ka'an de te ni jito de jee ní najnii jná'an yíki un, te ykuán na te ni nachitú kúñu síki jíín níii. Te vesú súkuan te máá ndíyi kákkuu. Yukuán na te ni kachi tuku ya ndese ka'an de. Te ná ni ka'an de te ni kanateku ndíyi un, te ni kandondakoo.

Yukuán na te ni ka'an ya jíín Ezequiel, jee ni stúu ya nuu de un kúu jee steén ndese sá'a ya jíín ñayuu hebreo. Yíki ní íchi un kúní ka'an ndese ni kajite núu i ñinga ñuu. Te jee ní nateku ndíyi un kúní ka'an jee nandikó i koyukú i ñuu maá i te koo jee vá'a jíín i, chi Espíritu Yaq Dios chindéé ñá'án yá i. Te suni ni ka'an ya jee sá'a ya jee ñayuu Israel jíín ñayuu Judá nduu tuku i in ñuu-ni jíjná'an i, te in tee yukun David ndaku de jniñu nuu ñayuu ñuu un.

Te suni ni ka'an Yaq Dios jíín Ezequiel jee kanda ñayuu hebreo nuu guerra síki ndí'i enemigo i. Te ni

ka'ān ya jeé ichi norte kiji in tée nání Gog jiín kué'e soldado kuajná'an de jíín ñáyuu hebreo, te suni ku'a ya castigo nuu Gog te stáān ya ndi'i soldado de ñuu Israel.

Te ná ni ya'a uxí kuyn kuiya jeé ní jenu soldado caldeo ñuu Jerusalén, te ni stúu tuku ya nuu Ezequiel ndese koo ñuu Israel ichi númeru gá. Te ni jito de in veñy'un jeé ñuu Jerusalén. Te ni jito va'a de ndese ni kuva'a jiín nasaa kú'va káa. Suni ni jito de jee kasájniñu sutu nájnu'un yósó númeru ley Yaá Dios jiín jée ndi'úxí uu yukun ñáyuu hebreo káyukú i ñuu Israel, te káneva'a i in-ni rey.

141. Jee ní nduloco Nabucodonosor, rey Caldea

(jee ka'án libro 2 Reyes 25:27-30; Daniel 4)

Te in jínu rey Nabucodonosor, ñuu Caldea, ni jení de jeé ni tá'ndé in yujnu ká'nu ndasí. Yukuán na te ni kachi profeta Daniel na vé kuní ka'ān jeé ni jení de súkuan. Te jeé ni tá'ndé yujnu ká'nu un kúní ka'ān jee ma ndáku ga de jniñu jeku tiempo, chi nduloco de uxá kuiya te kaji de yuku nájnu'un yéji stíki, nde kuni de jeé Yaá Dios kúu jeé jé'e ya jnu'un jeé téé jínú de kuu de rey siki ñúu de.

Te súkuan ni kuu, chi in kíví jíka de siki vé'e palacio de. Te jení ni de jeé kujé'nu ndasí de, chi máá de ni sá'a jeé ñuu Babilonia, jeé kúu centro ñuu Caldea, kúu in ñuu jeé kujé'nu ndasí. Te ni sá'a de náv'a kusíkí ni maá de jíín. Te níní jée jení ni de súkuan te ni je'e ya castigo nuu de siki jeé ní sajé'nu de máá de. Chi ni sá'a ya jeé ní kendoo loco de uxá kuiya. Te ná ni ya'a uxá kuiya un te ni nduvá'a de, te

ni nduu tuku de rey. Te súkuan ni jini de jeę Yaá Dios kúu Yaą kujé'nu.

Te ná ni ji'i Nabucodonosor te ni nukuiñi se'e yií de Evil-merodac kuu de rey. Te ni tava de Joaquín, jeę ní kuu de rey Judá, jeę íne de vekaa. Te ni je'e de jnu'un jeę kuajníñu Joaquín nuu de.

Íyó jnú'un jeę ka'án nuü Antiguo Testamento te náka'ąn tuku nuü Nuevo Testamento

126. Jeę ní kastáąn ñayuu Asiria ñuu Israel

S. Lucas 10:30-37; 17:11-19

S. Juan 4:4-42

127. Jeę vá'a ni ndaku rey Ezequías jniñu ñuu Judá

S. Mateo 1:9-10

**128. Jeę ní ndaku Manasés jiín Amón jiín Josías jniñu
ñuu Judá**

S. Mateo 1:10-11

131. Jeę ni stéén profeta Habacuc nuü ñáyuu Judá

Romanos 1:17

Gálatas 3:11

**132. Jeę ní ndaku rey Joacaz jiín rey Joacim jniñu ñuu
Judá**

S. Mateo 1:11

Hebreos 8:8-12; 10:15-17

**133. Jeę kua'án sava ñayuu Judá nde ñuu Babilonia ni
sá'a ñayuu caldeo**

Hebreos 11:32-34

134. Jeę ní ndaku rey Joaquín jniñu ñuu Judá

S. Mateo 1:11

**136. Jeę ní jenu Nabucodonosor, rey ñuu Caldea, ñuu
Jerusalén**

Hechos 7:52

Hebreos 11:32-36

